

De Hawj Gou Majhung

她让我成长

Mwh it nienzgaep, gou lij caengz sug gyoengq doengzhag, mwh hwnj dangz roengz dangz gou hix mbouj gangjavah, dan dinghdingh naengh youq dieгнаengh yawj saw.

Cigdaengz rox Cau lauxsae le, gou hainduj roxnaj haujlai doengzhag, gyau le haujlai baengzyoux, mwh hwnj dangz, Cau lauxsae heuh gou hoizdap vwndiz, neix dwg gou baez daih' it deng heuh hoizdap vwndiz, gyoengq doengzhag cungj yawj dwk gou, gou hanh lae hanh conh, fwngz cungj ok hanh lo, fwngz nyaenx mbouj ndaej bae riu dwk gavaq, naj nding rwz dit, sim naemj: "Neix baenzlawz guh? Gou mbouj rox, danghnaeuz dap loek lo, deng mbouj deng gyoengq doengzhag riu ha?" Mwhneix Cau lauxsae doiq gou naeuz: "Gaej lau, couh dang neix dwg youq ranz mwngz, mwngz naemj baenzlawz naeuz couh baenzlawz naeuz!" Doeklaeng gou naeuz okdaeuj lo, hoeng mbouj deng geijlai, gyoengq doengzhag mbouj miz vunz riu gou, gou roxnyinh gyoengq doengzhag ndei lai, roengz dangz le, gou gyau



le haujlai baengzyoux.

Mwh gou youq youwzyenz cei mbouj gyaez hwnj dangz yijvwnz lo, ngoenznaengz mbouj cawjdoengh yawj saw, hwnj siujyoz le, gou cugciemh gyaez hwnj le yijvwnz, gyaez hwnj raiz cozvwnz, Cau lauxsae hwnj dangz hawj dou doxlwnz doeg govwnz, hawj dou doq doeg doq guh dungcoz. Lij hawj dou naemj mbangj aen vwndiz, mizseiz lij hawj dou cang gak cungj giek biujyienj, mboujdan rox saw rox sa, youh rox cungsim swhsiengj faenzcieng, doengzseiz soundaej angqyangz, mizseiz Cau lauxsae lij son dou gij dauhleix guh vunz, lumj daxboh daxmeh nei daih dou, de mboujdan gvansim dou, youh yungz dou, seizneix gou hix bienq lo, caiq mbouj lumj gaxgonq ityiengh najmong lo, hix mbouj lau lauxsae lo.

Cau lauxsae couh lumj aen lohdaeng ndeu nei, ciuqrongh dou byaij baenaj, gij cingzcek ngoenzneix gou cungj dwg aenvih gij goenglauz Cau lauxsae!

(Cuh Anh)

Yawj Ndaundeiq 看星星

Seizhah banhaemh, ndaw siujgih caemrwdrwd. Go'nywj ninz lo, gofaex hix ninz lo.

Gou caeuq daxmeh doq yietliengz doq yawj ndaundeiq. Gou ngiengx gyaeuj yawj mbwn, mbwn gyanghaemh gvangqlanghlangh, lumj gaiq baengzmuq saekndaem hungloet ndeu nei, geij aen ndaundeiq yaeprongh, lumj dwg naed cuenqsig sieng youq gwnz baengzmuq, gyaeundeiraxcaix! Gou yawj ndaej yinx dangqmaz, sim naemj: Doenghgij ndaundeiq neix doxliz baenzhaenx gyae, seih mbouj seih gadog dangqmaz? Gyoengqde seih mbouj seih baengh gijmaz fouzsiengqdienh lienzhaeh ne?

Sawqmwh, dieggysae aen ndaundeiq iq ndeu yaep lwgda iq, diuqbeiz dongx gou. Yi, de baenzlawz lij yied daeuj yied liz gyawj gizneix? Gou gikdoengh ndwn hwnjdaeuj, rag daxmeh naeuz: "Daxmeh, vaiq yawj, aen ndaundeiq haenx cingq doengh, dwg ndaundeiqbaefinz lwi?" Gou doq hemq doq caepcawq mbaenj. Daxmeh riuha hwnjdaeuj: "Lwg ngunh, haenx dwg aen feihgih mbin youq gwnz mbwn." Gou nyaujnyauj gyaeuj, riuhehe hwnjdaeuj.

Gwnz mbwn, mehbuz ronghndwen hix riu gungj hwet lo, ndaundeiq gyanghaemh seizhah caen gyaeundeiraxcaix!

(Gyanghsuh Swngj Haijmwanz Si D Nghcough Siujyoz Gungh Lozyauz)



Cinglingz Caeuq Vunzguhnaz 精灵与农民



bauqdap mwngz, aen daeh neix mwngz naemj aeu gijmaz couh miz gijmaz, mwngz cijaeu gangj ok gij doxgaiq mwngz naemj aeu, de couh miz okdaeuj." Gangj liux mbouj raen lo.

Vunzguhnaz dauq daengz ranz, aeu saehcingz lwnh mehyah, mehyah naemj aeu ndaej gaiq dijbauj neix, couh naeuz: "Mwngz ngoenzneix raemj fwnz gaenq baeg lai lo, yietbaeg yaep ndeu ba." De raen bouxgvn haeuj rug bae ninz le, couh dawz aen daeh okdaeuj, gangj gij doxgaiq bonjfaenh naemj aeu haenx, gim, cawbauj, aen ranz hung daengj.

Banhaet, vunzguhnaz caeux-caeux hwnq le, yawjraen bonjfaenh youq ndaw aen ranz hung, fungh rug gyaeundeiraxcaix, byaij daengz baihrog raen mehyah ninz youq aen eijninz gwn raemxmak, hoeng mehyah de mboujdan mbouj aeu cienz hawj de lij gyae de deuz dem. Vunzguhnaz cijndei byaij daengz dieg gyae'gyanggyang bae.

Bouh vunzguhnaz ndeu hwnj bya raemj fwnz, dinglingz bungz raen aen bingz ndeu. De byaij gvaqbae baenq hai fabingz, okdaeuj duz cinglingz iq ndeu, duz cinglingz haenx naeuz: "Mwngz hawj gou ndaej dauq swyouz, gou haengjdingh

Ngoenz daihngieih banhaet, mehyah yawjraen bonjfaenh ninz youq henz dah, caiq baez lumh aen daeh, aen daeh mbouj raen lo, de cij ndaej youq aen ranzgaeuq gadog gvaq ndwenngoenz.

(Ngeih nienzgaep Vangz Cizdanz)